

stagnum Genezareth : huic enim adjacent Capharnaum, celebre emporium; Bethsaida, Tiberias, alioque urbes quae erant in sorte Zabulon.

IN STATIONE NAVIUM. — Ex Hebraeo vertas, in porta navium habitabit. Ita Vatablus, q. d. Zabulon optimos habebit portus, per quos omnes merces inferantur, itaque dicescet (1).

PERTINGENS USQUE AD SIDONEM. — non immediate, sed mediante tribu Aser, quae interiacet. Unde hebraice est: Latus ejus ad Sidonem, vel versus Sidonem, supple spectat et prospicit, q. d. Zabulon obversus est et contiguous Sidoni; Zabulon in Chanaan erit vicinus Sidoniis, qui maritimi fuerunt mercatores; ac proinde per eos ex Sidone quasvis merces et rerum omnium copiam accipiet. Ita Andreas Masius in Josue, capite xix, vers. 10 (2).

Allegorice, Zabulon, id est habitaculum, est Ecclesia dives, quiete et mercaturae animarum dedita. Ex Zabulon enim Christus et Apostoli predicando usque ad Sidonem, Tyrum aliasque gentes progressi sunt. Ita S. Ambrosius, lib. De Benedict. Patriarch. cap. v.

PROPHETIA ET BENEDICTIO ISSACHAR.

vers. 14.

14. ISSACHAR ASINUS FORTIS. — Hebraice est, Issachar asinus osseus, id est robustus et fortis instar ossis, ad labores agriculturae, et ad suas fruges fructusque deportandum ad mare, ubi illos carius vendat et distrahat per alias urbes et gentes. Erat enim sors Issachar amoena et fertilis olei, vini et frumenti. Ita S. Hieronymus. Unde Chaldaeus vertit: Issachar pulchrum concupiscit. Forte Septuaginta pro חמור chamor, id est asinus, legerunt חמד chomad, id est concupiscit; valde enim vicina sunt litterae ח et ד. Rursum, tribus Issachar fuit ossea et fortis in bello: uti patuit in bello contra Sisaram, Judic. v, 14, et in bellis quae pro Davide gesserunt Zabulonites, I Paralip. xii, 33 (3).

ACCUBANS INTER TERMINOS. — q. d. Issachar non vacabit navigationi, ut Zabulon; sed sorte et rure suo se pascens, domi versabitur, ibique quiete habitabit inter limites et confinia aliarum tribuum. Unde Moses, Deuteron. xxxiii: «Lafare, ait, Issachar, in tabernaculis tuis,» q. d. Issachar suis sedibus se continebit, suis copiis contentus, vicina nec metuens, nec concupiscens.

15. 13. VIDIT REQULEM QUOD ESSET BONA. — q. d. Issachar cognovit, idaeque pretulit et amplexus

(1) Ad litus navigium, id est, ad litus semper navibus frequens.

(2) Latera regionum dicuntur eorum fines.

(3) Haec hominis cum asino comparatio minus habet offensivam in Orientis regionibus, in quibus cum pulchritudine et pretiosiores asini nascuntur, non tam villa amantia habeantur quam apud nos. Hinc Ajaem Homeris asino comparat, Iliad. A, 557.

est commoda vitae quiete et rusticanae. In vita enim quiete vigent sapientia, virtus, pax, agricultura, indeque agrorum fruges et opes: quae omnia fugat vel impedit, non tantum bellum, sed et mercatura, puta cure mercatoriae ac navales.

Hinc Issachariani, utpote quieti, studii sapientiae fuere dediti, ut patet I Paralip. cap. xii, vers. 32. Pulchra et vere Horatius:

Beatus ille qui procul negotiis,
Ut prisca gens mortalium,
Paterna rura bobus exeret suis,
Solutus omni favore.

Agri-
larum
felicitas.

Audi Ciceronem in Catone Majore de agricultura: «Mea quidem sententia, haud scio an ulla beator vita esse possit: neque solum officio, quod hominum generi universo cultura agrorum est salutaris, sed oblectatione etiam, quam dixi, et saturitate copiaeque rerum omnium, quae ad victum hominum, et cultum etiam deorum pertinent. Agro bene culto nihil potest esse, nec usu uberius, nec specie ornatus,» etc. Paulo ante: «Venio nunc ad voluptates agricolarum, quibus ego incredibiliter delector.» Vide dicta capite ii, vers. 14, et cap. ix, vers. 20.

ET TERRAM QUOD OPTIMA. — Septuaginta, quod pinguis; Chaldaeus, quod fructifera, puta fertilissima frumenti, vini et olei, quae Moses, Deuter. xxxiii, 19, vocat thesauros absconditos arenarum.

SUPPOSITUS (quasi asinus osseus) HUMERUM ADPORTANDUM. — onera rustica jam dicta.

FACTUSQUE EST TRIBUTUS SERVIENS. — q. d. Maluit Issachar agere vitam quietam cum tributo, quam ab eo immunis bellis agitari, vel allegi in militia Salomonis, aliorumque regum; fere enim rustici praes alius gravantur vectigalibus, a quibus milites sunt immunes.

Allegorice, per Issachar S. Ambrosius intelligit Christum, S. Hippolytus Apostolos. «Issachar, inquit S. Ambrosius, merces dicitur, et ideo refertur ad Christum, qui est merces nostra, quod eum nobis ad spem salutis aeternae non auro, non argento, sed fide et devotione mereamur.» Et mox: «Itaque ut ad resurrectionis suae gratiam vocaret gentes (ipsa est enim pinguis et fertilis terra, quae fructus general aeternus, fructus centesimos et sexagesimos), subiicit humerum suum ad laborandum, subjiciens se cruci, ut nostra peccata portaret.»

Tropologice, Issachar est Christianus quietus ac pacificus, et maxime is qui agit vitam religiosam. Hic enim primo, jugum et labores religionis, puta austeritatis, disciplinae, humilitatis, abstinence et obedientie religioe alacer subit, dicereque potest Deo cum Davide: «Ut iumentum factus sum apud te, et ego semper tecum.» Secundo, hic mitis est, jugique animi pace ac quiete fruatur. Tercio, hic vacat agriculturae spirituali animae suae, ex eaque ingentes virtutum

Issachar
est Religio-
siorum
quamquam
quod
anale-
psus
Primo.

Quarta. fruges colligit. Quarto, inde roborescit, fitque fortissimus ad omnia vel dura toleranda, vel ardua capessenda. Quinto, hic triplex solvit tributum.

Primo, religiosi cultus, obedientiae et amoris Deo; secundo, dilectionis, justitiae, compassionis et misericordiae proximo; tertio, continentiae et mortificationis sibi ipsi. Ita Pererius. Unde Petrus Chrysologus, serm. 29 in Matth. : «Siout Issachar, inquit, ita et vir bonus aeterna praemia celestemque quietem contemplatus, alacriter humerum suum labori subjicit, fitque tributis serviens, dum operum honorum tributa persolvit Deo.»

Pie et apposite Abbas Nesterio in Vitis Patrum, lib. V, cap. xv, rogatus quomodo tam pacifice in coenobio vixisset, atque in quavis tribulatione didicisset servare silentium et patientiam, respondit : « Quando initio intravi in congregationem, dixi animo meo : Tu et asinus unum estote. Si enim asinus vapulat, et non loquitur; injuriam patitur, et non respondet : sic et tu; sicut et in psalmo legitur : Ut iumentum factus sum apud te, et ego semper tecum.»

Audi sententias Patrum Aegyptiorum ibidem, de mediis quibus paratur quietis, et sanctitatis animae religiose.

«Prima virtus est oris custodia.

«Beatus qui sustinet laborem cum gratiarum actione.

«Non est fortior virtus quam nullum spernere.» Unde et Pimenius Abbas ibidem, lib. VII, cap. xxxix, petenti modum quiete et pie vivendi, hunc dedit : «Neminem, inquit, despicias, nullum iudices, de nullo male loquaris : et Deus dabit tibi requiem, et statuet sessionem tuam sine conturbatione.»

«Humiliare seipsum et despiciere, murus est monacho.

«Constitue tecum nulli unquam homini male facere, sed purum habere cor ad omnem hominem.

«In omnibus sibi vim facere; haec est via Dei et opus monachi.»

Abbas Pastor ibidem, lib. V, ait : «Ubi vides adversum te aliquorum zelum, ibi non subsistas, quia non proficies.»

PROPHETIA ET BENEDICTIO DAN.

vers. 16.

16. DAN JUDICABIT. — Hebraice est דן דן Dan judin, q. d. «Judeus judicabit.» Vocatus est enim a Rachele Dan, quod Deus sibi cum Lia de fecunditate contendenti, per nativatem Dan causam quasi adjudicasset, Genes. xxx, 6.

Hic Jacob filio suo nomen Dan confirmat; sed aliam ob causam, nimirum quod Dan per Samsonem ex se nasciturum, sit judicaturus, id est vindicaturus et liberaturus Israellem a servitute Philistinorum. Fuit enim Samson iudex, id est vindex, sui populi : sic enim omnes qui in libro Judicum vocantur Judices, fuerunt vindices Is-

raelis. Ita S. Hieronymus, Procopius, Gennadius, Rupertus et Gualdinus (1).

SICUT ET ALIA TRIBUS. — quae suum Israeli dedit iudicem; non enim omnes tribus dederunt iudices : nam verius est Ruben, Gad, Simeon et Aser nullum iudicem dedisse. Nam quos quidem adducunt, Jephthae et Barac, hic ex Nephthaim, ille ex Manasse fuit. Ita Pererius.

17. FIAT DAN COLUBER IN VIA, CERASTES IN SEMITA. — Gennadius est Dan putat esse dativi casus, sensumque esse, q. d. Fiat Dalila ipsi Dan, puta Samsoni ex Dan nascituro, instar colubri, quia eum decipiet astu serpentino.

Verum in Hebraeo et Graeco Dan caret articulo dativi, poniturque absolute; est ergo nominativus casus; itaque sensus est quasi dicat : Fiat, id est fiet, vel erit, Dan, id est Samson Danita, quasi coluber et cerastes. Nam primo, sicut serpentes in viis et semitis sub frondibus, vel arenis latitantes, ex latebris et inopinato hominem aggrediuntur et mordent : ita Samson occulte per artes et dolos Philisthaeos aggressus vastavit et occidit, ut patet in trecentis vulpibus, quarum caudis tiones ardentis alligans Samson, sogetas Philisthim succendit : rursum in collisione columnarum domus, quae decum sedes eorum obruit, itaque plures occidit moriens quam vivens. Sic et Danite astu operunt Lais, quae postea ab eis Dan est vocata, Judic. xviii, 27. Secundo, serpens nisi aurem obturet, incantatur : ita Samson, quia contra Sirenes, puta Dalile suae, blanditias, cum Ulysse, qui oclusa aure pertransiit, ipse quoque aurem non obturavit, hinc ab ea captus, et in pistrinum mortemque detrusus est.

CERASTES IN SEMITA MORDENS UNGULAS (calcaenum unglatum) equi, UT CADAT ASCENSOR EJUS RETRO. — Cerastes, inquit Plinius, lib. VIII, cap. xxxix, serpens est, quadrigemina habens cornua, simillima arictum (unde et cerastes dicitur, id est cornutus, a κέρα, id est cornu), qui cum equitem nequit attingere, equi calcaneo mordet, ut equum, et consequenter equitem dejiciat, itaque dejectum invadat et occidat. Pari modo Samson non tantum sua fortitudine, sed et doli ac insidiis, Philisthaeos invasi, supplantavit et occidit, uti dixi (2).

Nota : Jacob ad litteram haec praedixit de Samson, allegorice de Antichristo Samsonis antitypo; aut potius Jacob haec tunc de Antichristo, quam de Samson ad litteram dixit et intellexit, ut sit hic duplex sensus litteralis, unus de Samson, alter, ad quem occasione Samsonis assumptus Jacob, de Antichristo (nec enim Samson ty-

Samson
fuit colu-
ber et ce-
rastes.

(1) Rectius alii : Dan reges populum suum, sicut una tribuum Israel, id est aequae ac ceterae tribus, nec erit is inferior; rerum suarum moderatores non aliunde accuset, sed suis tribunalibus ipsa dabit.

(2) Haec tamen ad totam quoque tribum pertinere dici potest, ut ejus astutia in bello et hostibus superandis notetur.

ratus, ut vertit Chaldaeus, coronatus et consecratus. *73* *nezer* enim et separationem, et coronam, et consecrationem significat. Fuit enim Joseph a fratribus separatus, primo, moribus et innocentia; secundo, loco et conversatione: fratres enim ode- rant et fugiebant Josephum. Rursum, Joseph ven- ditus in Aegypto, per 23 annos separatus fuit a patre et fratribus in Chanaan habitantibus. Tertio, carcere, ubi Joseph intonsis fuit crinibus, solique Deo relictus, addictus et consecratus, instar Nazareorum, qui se suamque abstinentionem, aeque ac comam, Deo devotebant. *Numer. vi. Quarto*, corona regni, sive principatus in Aegypto. Rursum, corona regni Israel, quam posteri ejus adepti sunt; hac enim coronatus, et a fratribus separatus fuit Joseph: ideoque Nazareus dicitur. Unde Septuaginta pro Nazareus vertunt praefectum, sive duem et principem fratrum. Atque ex hoc loco aliqui putant Christum, utpote Josephi antitypum, vocari Nazarenum, *Matth. ii*, vers. 23. Ita S. Ambrosius, *De Benedictioibus Patriarch. cap. xi*, et Rupertus. Ut ut sit, certe Joseph Nazareus expressus fuit typus Christi Nazarei, id est, a Judaeis, et communi hominum vita separati, Deoque consecrati, ac coronati in summum orbis regem et pontificem (1).

PROPHETIA ET BENEDICTIO BENIAMIN.

Vers. 27. 27. BENIAMIN LUPUS RAPAX, MANE COMEDET PRAEDAM, ET VESPERE DIVIDET SPOLIA. — R. Chaldaeus sic haec vertit et explicat: In terra Benjamin habitabit templi majestas, et in possessione ejus adificabitur sanctuarium (Jerusalem enim, in qua fuit templum, proprie pertinebat ad sortem tribus Benjamin). Mane et vespere offerent sacerdotes oblationes, et in tempore vespertino dividunt residuum; quasi altare hic vocetur lupus rapax, eo quod hostias, quasi praedas raperet, easque igne consumeret. Sic quoque explicant Hebraei et Lipomanus. Verum haec expositio impropria, dura et indecora est: quis enim altare Dei audeat vocare lupum rapacem?

Secundo ergo et genuine, ad litteram Jacob hic praedicit tribum Benjamin fore instar lupi rapacem et bellicosam, quae suum jus in viribus et armis colloct. Sic enim Romani jactabant suum Romulum rapacem, pugnam et fortem in bel- lis evasisse, eo quod lacte lupae esset nutritus. *Virg. Aen. iii* patet, et reipsa confirmata est in dno Gabaa, quod soli Benjaminitae, ob stuprum a se uxori Levitae illatum, cum reliquis tribubus omnibus gesserunt, et usque ad infernecionem, sustinuerunt; ac tandem raperunt filias Silo, *Judic. xx*. Ita Procopius, Eusebius, Theodoretus, Abulensis et alii.

Rursum, alludit et praedicit hic Jacob praedas

(1) Pro Nazarei alii heb. vertunt *ezimil*; alii *pricipis*, seu dignitate praestantis.

et victorias Saulis primi Judaeorum regis; item Estheris et Mardochei: hi enim omnes prognati fuerunt ex Benjamin. Ita S. Lupus Trecentis Episcopis cum clero occurrentes Attila a pugna Cata- launica, reliquis Galliae urbibus eversuro, rogavit eum, quisnam esset, qui tot regibus devictis cuncta vi sibi subderet; cui Attila: «Ego, inquit, sum rex Hunnorum, flagellum Dei.» Tum Lupus ingemiscens: «Et ego, inquit, sum lupus vastator gregis, dignum flagello ejus, cui quis resistet, quo minus i quos volet saeviat? Veni igitur, Dei mei flagellum, quolibet proficiscera. Omnia tibi, ut Dei ministro, me non repugnante patebunt.» Jubeat inde portas urbis reserari, ac Attilam (frenum equi honoris causa tenens) summa veneratione introduxit. Qui sive humanitate Episcopi victus, sive Dei voluntate, sine ulius caede et detrimento, per urbem mediam cum omnibus suis copiis progressus, altera urbis parte egressus est. Ita habet Vita S. Lupi, et Olaus in *Attila*, cap. ix.

Nota: Idem est «comedere praedam,» et «dividere spolia,» nimirum praedari, praedas divi- dere et comedere. Est metalespis: ex comestione enim praedae, praeviam predationem intelligit, *q. d.* Benjamin ut lupus rapax, id est, superabit inimicos, eisque praedas abripet, lacerabit, divi- det, comedet, omniaque faciet, quae virores vic- tis solent facere. Ita Vatablus (2).

Allegorice, quidquid hic oggannat Calvinus, omnes fere Patres Latini, puta S. Hieronymus, Ambrosius, Rupertus, Eucherius, Beda et S. Au- gustinus, *serm. 4 De Conversione S. Pauli*, inter novos hic Lovanii editos, per lupum hunc accipiunt S. Paulum, qui ex Benjamin oriundus, dictusque Saul vel Saulus, primo mane, id est in juventute sua, quasi lupus saevit in Christum et Christianos, viros et feminas raptando ad carceres, Stephanum manibus aliorum lapidando, spirando in omnes minas et caedes: verum a Christo conversus, et mutatus e Saulo in Paulum, ex lupo diaboli in lupum Dei, «vespere,» id est, jam senior effectus, spolia Gentium diabolo de- tracta, Christo et Ecclesiae divisit, *q. d.* Sicut Benjamin, ita et Pauli indoles lupina, semper sui similibus, fuit rapax, bellicosa, spoliis praedisque assueta: unde mane et vespere, puta ante conversionem et post conversionem, non aliud egit, quam praedari, sed ante conversionem iniquus et impius, post conversionem vero justus et sanctus fuit praedo; qui non tantum spolia antea e se diabolo allata, rursum eidem eripuit, sed et omnes pene gentes ex ore et unguibus ejus extorsit, illisque eum expoliavit, easque Christo et Ecclesiae restituit. Sicut ergo lupo nunc in bonum, nunc in malum capitur, et tam Christus vocatur

(2) Alii: Tantam praedae copiam coaccervatam habeat, ut sibi non tantum mane, sed et per totum diem, et ad vesperam usque, aliis quoque, quibus habens impertit, sufficit.

leo de tribu Juda, quam diabolus, qui circum ut leo quatenus quam devoret: ita pariter et lupus tam in bonam quam in malam partem accipit potest. «Paulus, inquit S. Ambrosius, lupus erat, cum devoraret oves Ecclesiae; sed qui lupus venerat, pastor est factus. Ideo Rachel, cum pareret Benjamin, vocavit nomen ejus, Filius doleris mei, futurum prophetans ex ea tribu Paulum, qui adligeret filius Ecclesiae, et gravi matrem dolore vexaret: sed tamen idem postea es- cam divisit, evangelizans Gentibus, et plurimos ad fidem provocans. Dilectus a Domino, quia vas electionis est factus, habitabit confidenter, et Deus obumbrabit super eum omnibus diebus, et inter humeros requiescet,» *Deuter. xxxiii.*

Vers. 28. 28. OMNES HI IN TRIBUBUS ISRAEL DUODECIM. — Hebraice est, Omnes istae tribus Israel sunt duodecim, *q. d.* Ab his duodecim filiis Jacob descendunt et denominatae sunt duodecim tribus Israel. Numerantur enim hic singuli Jacobi filii (qui numero fuerunt duodecim,) ac consequenter numerantur et Levi et Joseph: ita ut quisque Jacobi filius unam tribum constituat. In divisione vero terrae sanctae non numeratur Levi, quia nul- lam ejus partem habuit: pars enim Levi erat Domi- nus, id est, victimae et primitiae Domino oblatae; nec numeratur Joseph, sed duo ejus filii, puta Ephraim et Manasse: hi enim in locum Levi et Jo- seph surrogati, duplice tribum, et consequenter duplicem sortem in Chanaan acceperunt (1).

BENEDIXITQUE SINGULIS BENEDICTIOIBUS PROPRIIS. — Hinc videtur quod haec non tam benedic- tiones, quam prophetae fuerint Jacobi, quibus expletis ipse hic ultimam cuique addidit et im- peravit benedictionem, licet quanam ea fuerit, Scriptura non exprimat.

Verum contrarium est verius: itaque sensus est, «benedixit singulis,» etc., id est, benedic- tiones haec enarratas, cuique proprias edixit et assignavit. Licet enim Simeon et Levi proprie non benedixerit, sed corripuerit, haec tamen ejus paterna correctio, revera fuit benedictio. Ita S. Chrysostomus, Cajetanus, Lipomanus. Si enim aliae jam dictae et enarratae fuissent haec benedic- tiones a Jacobo filiis datae, eaeque singulis pro- prie, sane eas enarrasset Moses.

31. IBI ET LIAM CONDITA JACET. — Hebraice est, *et ibi sepelivi Liam*: unde patet Liam mortuam esse in Chanaan, ibique a Jacobo sepultam, non autem mortuam esse in Aegypto, indeque cum marito corpore translata esse in Chanaan, ut vo- lunt aliqui. Hebraei tradunt Liam mortuam esse anno aetatis 44; sed ex dictis cap. xxxv, vers. 19, videtur senior fuisse.

(1) Hoc subjungit Moses, ut ostendat, benedictiones illas non tam in ipsas personas, quam tribus singulis ornandas competere. *Unicuique, quod secundum benedi- ctionem suam benedixit illis*, id est, cuique propria et pri- vata ac conveniente benedictione benedixit, juxta id quod cuique eventurum esset.

32. FINITISQUE MANDATIS. — Tradunt Hebraei Ja- cob morientem mandasse suis mutuum pacem et concordiam, atque unius veri Dei timorem, obedientiam et cultum, fugamque idololatriae Aegyptiorum.

COLLEGIT PEDES SUOS SUPER LECTULAM. — Jacob prophetans et benedicens filiis exerat se, sede- batque in lecto pedibus dependentibus; nunc finito sermone suis valedicens, pedes in lectum colligit, sensimque expirat.

Vide hic quam placida sit mors justorum. Ita *Morsim- lorum placida.* S. Lucius Martyr morti adjudicatus ab Urbicio praefecto gratias egit dicens: «A malis dominis liberor, et ad Deum patrem optimum transeo,» testis est Eusebius, lib. IV, cap. xvi. Babylas Mar- tyr, cum cervicem feriendam praerberet, dixit: «Revertere, anima mea, in requiem tuam, quia Dominus benefecit tibi. Eripuit animam meam a morte, oculos meos a lacrymis, pedes meos a lapsu. Ambulabo coram Domino in terra viventium.» Nam mors, ait S. Chrysostomus, est portus tranquillus, vera requies, somnus, ad me- liora migratio, a malis liberatio, migratio in terra ad caelum, ab hominibus ad angelos, et ad ip- sum angelorum Dominum. Hinc Sapere rege Per- sarum Christianos trucidante, cum Pusies praefectus omnium regis artificum videret Ananiam, cui caedes jam parabatur, contremiscentem: «Paulis- per, inquit, o senex, oculos occuldit, et bono animo esto; nam statim lumen Dei videbis;» qua de causa lingua ei extracta est, direque excarni- ficatus gloriosum obiit martyrium; testis est So- zomenes, lib. II *Hist.* cap. ix et x. E contrario quam anxia, perturbata et tumultuosa sit mors impiorum, patet ex morte Antiochi, Herodis, He- rodiadis, Chrysaorii, et aliorum.

APPOSITUS EST AD POPULUM SCUM. — mortuus est, et quoad animam descendit ad patres et justos in limbo sinque Abraham degentes. Ita loquitur Scriptura, ut significet animas Sanctorum post mortem non solitariam et tristem, sed societatem laetamque vitam agere: malorum vero animas, licet in igne conjugantur, perpetuis tamen odiis et rixis dissidere, atque maledictis et Blasphemis sese invicem, more canum lacerare.

Nota periodum vitae Jacobi: Jacob natus est post diluvium anno 432. Fugiens Esau ivit in Ha- ran ad Laban, anno aetatis suae 77; inde post 20 annos, puta anno 97, rediit in Chanaan. Post 10 annos, puta anno 107, mortua est Rachel, et natus est Benjamin, atque Joseph venditus est in Aegypto. Inde mansit adhuc Jacob in Chanaan per 23 annos. Nam anno aetatis centesimo trige- simo evocatus a Joseph, cum tota familia pro- fectus est in Aegypto, ibique vixit annis 17, ac mortuus est anno aetatis 147, qui fuit annus mundi 2236. Plura de his dixi cap. xlvi, vers. 28. Deni- que epitaphium et elogium Jacobi vide apud Sa- pientem, cap. x, vers. 10, et *Eccli.* cap. xlii, vers. 23.